

Oqaluuserisassanut nassuaat.

(Inatsisartut Siulittaasuat)

Ulloq 2. maj immikkoortut 59 aamma 80 angumerinngitsoorpagut, taamaattumillu ullumi ataatsimiinnermi suliarineqartussanngorlugit ingerlateqqinnejarlutik.

Immikkoortup 59-ip qulequtaraa: Filmiliortut isiginnaartitsisartullu nunatsinneersut nunarsuatta sinnerani filmiliaminnik filmilianiluunniit peqataaffigisaminnik takutitsisoqassatillugu peqataanissamut qanoq tapersorsorneqarsinnaanerat pillugu apeqquteqaat aallaavigalugu oqallisssiaq.

Immikkoortup 80-ip qulequtaraa: Inatsisartunut qinersinermi inatsit tunngaviatigut, inatsisartullu agguataarneranut kisitseriaaseq, inatsisartut amerlassussaat kiisalu qanoq nunatsinni siammassisumik inatsisartuni ilaasortaatitaqarneq, qanga kommuunit kattutinngikkallarmata kredsimi qinikkat 17-it ilaasortangorsinnaanngortillugit aamma illoqarfitt inuttussusii najoqqutaralugit ilaasortaqalerlutik apeqquteqaat aallaavigalugu oqallisssiamik siunnersuut.

Siunnersuuteqartoq aalajangiiffigisassatut siunnersuutimi immikkoortup 51-ip tunuartinneqarnissaanik qinnuteqarpoq. Immikkoortoq 51 oqaluuserisassanit tunuartinneqarpoq.

Immikkoortup 51-ip qulequtaraa: Eqqumiitsuliornermik Pinngorartitsinermillu Ingerlataqartut suleqatigiiffiata EPI-p nukitorsaaffigineqarnissaa pillugu aningaasatigullu qanoq ingerlanneqarsinnaaneranut tunngasumik misissuisussanik, inassuteqaasiortussanik soqutigisaqartunik attuumassutilinnik suleqatigiissitalioqqullugit Naalakkersuisut peqquneqarnissaanik Inatsisartut aaliangiiffigisassaattut siunnersuut. Suliaq naammassisimassaaq UPA25-mi.

Immikkoortut 70 aamma 100-p aappassaaneerneqarnissaasa kinguartinneqarnissaannik Inatsisinut Ataatsimiititaliaq qinnuteqarpoq.

Immikkoortut 70 aamma 100 maanna ulloq 13. maj aappassaaniigassannngortinneqarput.

Immikkoortup 70-ip qulequtaraa: Naalakkersuisut peqquneqarnissaannik Inatsisartut aalajangiiffigisassaattut siunnersuut, Naalakkersuisut ataatsimiititaliarsuarmik pilersitsissasut pinerlussimanermi pillaasarnermut inatsimmik suliarinnittussamik aammalu eqqussisussamik. Ataatsimiititaliarsuup suliariumaagai Inatsisartut ukiaanerani ataatsimiinnermi 2025-imi saqqummiunneqassapput.

Immikkoortup 100-p quleqtaraa: Kalaallit Nunaanni pillaasarnermut inatsi eqqunnissaanut piareersaatit suliniutillu pisariaqartut aallartinnissaanut tunngavissamik pilersitsisussamik aallartisartoqarnissaa anguniarlugu, Naalakkersuisut rigsmyndighed attaviginnissaanut piumaffigineqarnissaannik Inatsisartut aalajangiiffigisassaattut siunnersuut.

Immikkoortup 18-ip aappassaaneerneqarnissaata kinguartinnejarnissaanik Aningaasaqarnermut Akileraartarnermullu Ataatsimiititaliaq qinnuteqarpoq. Immikkoortoq 18 maanna ulloq 16. maj aappassaaniigassanngortinnejarnissa.

Immikkoortup 18-ip quleqtaraa: Aningaasatigut peqquserluutinik malunnarunnaarsaaneq aamma peqqarniisaarniarnermut aningaasalersuineq pitsaaliorniarlugit pineqaatissiissutit pillugit inatsisini (ningaasatigut peqquserluutinik malunnarunnaarsaaneq pillugu inatsit) inatsisit assigiinngitsut aalajangersagaanni, Kalaallit Nunaani ataatsimut peqqusummik Kalaallit Nunaanni Namminersorlutik Oqartussat atulersitsinerat pillugu Inatsisartunut aalajangiiffigisassatut siunnersuut.

Immikkoortut 25 aamma 26-p aappassaaneerneqarnissaasa pingajussaaneerneqarnissaasalu kinguartinnejarnissaannik Inuussutissarsiornermut Aatsitassanullu Ataatsimiititaliaq qinnuteqarpoq.

Immikkoortut 70 aamma 100 maanna ulloq 21. maj aappassaaniigassanngortinnejarnissa 28. maj pingajussaaneerneqassallutik.

Immikkoortup 25-p quleqtaraa: Uunga siunnersuut: Najukkani aatsitassanut tunngasunik suliaqarnerit pillugit Inatsisartut inatsisaat.

Immikkoortup 26-p quleqtaraa: Uunga siunnersuut Aatsitassat pillugit ingerlatallu tamatumunngap pingaarutilit pillugit inatsisartut inatsisaata (aatsitassanut ikummatisanullu inatsit) allanngortinnejarnissa pillugu Inatsisartut inatsisaat.

Immikkoortup 35-ip aappassaaneerneqarnissaata kinguartinnejarnissaanik aappassaaneerinninnerullu ulloq 10. maj pinissaanik Aalisarnermut Ataatsimiititaliaq qinnuteqarpoq.

Immikkoortoq 35 maanna ulloq 10. maj ullormi immikkut ataatsimiiffiusussami nal. 13.00 aallartittumik aappassaaneerneqassaaq.

Immikkoortup 35-ip quleqtaraa: Aalisarneq pillugu Inatsisartut inatsissaannut siunnersuut.

Oqaluuserisassani allannguutit tamarmik Inatsisartut nittartagaanni malinnaavigineqarsinnaassapput, soorlu aamma ataatsimiinnermit nutaarsiassat nittartagaq aqutigalugu pisartagarineqalersinnaasut.

Taasisarnerit pillugit uku akornanni isumaqatigiissuteqartoqarpoq:

Karl Tobiassen, Siumut aamma Knud Mathiassen, Naleraq.